

Bwrdd Cyfarwyddwyr y Coleg Cymraeg Cenedlaethol

Dydd Mercher, 20 Mehefin 2018

9.30 - 13.10

Prifysgol Glyndŵr, Wrecsam

Yn bresennol:

Cyfarwyddwyr:

Dr Haydn E Edwards (Cadeirydd)
William Callaway
Yr Athro Jerry Hunter
Gwilym Dyfri Jones
Dr Hefin Jones
Pedr ap Llwyd
Llinos Roberts
Ieuan Wyn

Sylwedyddion:

Dr Cliona O'Neill, Cyngor Cyllido Addysg Uwch Cymru (CCAUC/HEFCW)
Savanna Jones, Cyngor Cyllido Addysg Uwch Cymru (CCAUC/HEFCW)

Swyddogion:

Dr Ioan Matthews, Prif Weithredwr
Dr Dylan Phillips, Uwch Reolwr Academaidd
Catherine Rees, Ysgrifennydd
Dr Dafydd Trystan, Cofrestrydd
Nia Brown, Swyddog Datblygu: Ysgrifenyddiaeth

Ymddiheuriadau:

Yr Athro Iwan Davies
Dr Gwyn Lewis
Dr Rhodri Llwyd Morgan
Yr Athro Hywel Thomas

Eitem	Prif bwyntiau trafod	Pwyntiau gweithredu	Cyfnod amser
<p>1. Croeso a chyflwyniad</p>	<p>1.1 Estynnwyd croeso i'r aelodau gan y Cadeirydd ac yn arbennig i Pedr ap Llwyd a Llinos Roberts fel aelodau newydd o'r Bwrdd.</p> <p>1.2 Derbyniwyd ymddiheuriadau i'w cynnwys yn y cofnodion.</p> <p>1.3 Estynnodd y Prif Weithredwr longyfarchiadau i'r Cadeirydd ar ei urddo i wisg las yr Orsedd, Eisteddfod Genedlaethol 2018.</p> <p>1.4 Estynnwyd llongyfarchiadau i'r Deon, Dr Hefin Jones, ar ennill Medal Gwyddoniaeth a Thechnoleg Eisteddfod Genedlaethol 2018.</p>		
<p>2. Datganiadau o ddiddordeb</p>	<p>2.1 Atgoffwyd yr aelodau o'r drefn lle gofynnir i aelodau nodi ar y daflen arwyddo presenoldeb unrhyw ddatganiadau o ddiddordeb ychwanegol at y rheiny a nodwyd eisoes yn y Gofrestr Buddiannau.</p> <p>2.2 Datganodd Gwilym Dyfri Jones ddiddordeb yn Eitem 8 – Adroddiad y Prif Weithredwr ac Eitem 11 – Materion Cyllid, am ei fod yn gyflogedig gan sefydliad sy'n cyflwyno cais i weithredu fel canolfan hyfforddi athrawon.</p> <p>2.3 Datganodd y Cadeirydd a'r cyfarwyddwyr ddiddordeb yn Eitem 6b – Gweithdrefn penodi ac ail-benodi Cyfarwyddwyr, y Cadeirydd ac aelodau allanol o bwllgorau.</p> <p>2.4 Datganodd William Callaway ddiddordeb yn Eitem 6 – penodi aelodau i'r Pwyllgor Cyllid a Dibenion Cyffredinol,</p>		

	am fod Bethan Emanuel yn gyn-gydweithiwr iddo ym Mhrifysgol De Cymru.		
3. Derbyn ac ystyried cofnodion cyfarfod 8 Mawrth 2018	3.1 Derbyniwyd y cofnodion fel cofnod cywir o'r cyfarfod a gynhaliwyd ar 8 Mawrth 2018.		
4. Materion yn codi	<p>4.1 <u>Eitem 4.2 – Ymddiriedolaeth William Salesbury</u> Adroddwyd mai'r drefn a gytunwyd yw cyflwyno Ysgoloriaeth William Salesbury yng nghynulliad blynyddol y Coleg. Nid oedd yr enillydd wedi gallu mynychu eleni.</p> <p>4.2 <u>Eitem 4.3 – Prosiect Seren</u> Adroddwyd nad oedd modd trefnu cyflwyniad ar gyfer y cyfarfod hwn.</p> <p>4.3 <u>Eitem 14 – Ysgoloriaethau</u> Adroddwyd bod argymhellion ynghylch yr Ysgoloriaethau wedi cael eu trafod gyda Llywodraeth Cymru a bod y manylion gweithredol i'w cytuno cyn diwedd tymor yr haf.</p>		
5. Materion Archwilio a Risg (Eitem 5a) (Eitem 5b)	<p>Pwyllgor Archwilio a Risg</p> <p>5.1 Nodwyd a derbyniwyd cofnodion cyfarfod y Pwyllgor Archwilio a Risg a gynhaliwyd ar 15 Mai 2018.</p> <p>Y Gofrestr Risg</p> <p>5.2 Cafwyd adroddiad ar y diwygiadau i'r Gofrestr Risg ers y cyfarfod diwethaf gan William Callaway, Cadeirydd y Pwyllgor Archwilio a Risg. Trafodwyd y risgiau ac yn benodol risg sylweddol yn y nifer myfyrwyr sy'n astudio o leiaf traean o'u cwrs gradd trwy gyfrwng y Gymraeg. Derbyniwyd y Gofrestr Risg.</p>		

<p>(Eitem 5c)</p>	<p>Rhestr ffioedd</p> <p>5.3 Derbyniwyd a chymeradwywyd y rhestr ffioedd diwygiedig i aelodau pwyllgorau a phaneli.</p> <p>Buddsoddi</p> <p>5.4 Trafodwyd argymhelliad y Pwyllgor Archwilio a Risg i benodi cwmni Sarasin fel buddsoddwyr y Coleg. Trafodwyd agwedd foesol y Coleg tuag at fuddsoddi ac argymhellwyd sicrhau bod cwmni Sarasin yn gallu sicrhau cronfa fuddsoddi foesegol gref sy'n osgoi alcohol, arfau, tybaco a phornograffi cyn ymrwymo i unrhyw fuddsoddiad. Cytunwyd i lunio polisi buddsoddi moesol i'r Coleg i'w drafod yng nghyfarfodydd nesaf y Pwyllgor Archwilio a Risg a'r Bwrdd Cyfarwyddwyr yn nhymor yr hydref.</p>	<p>Trafod agweddau moesegol gyda Sarasin a llunio polisi i'w drafod yn PAR a BC</p>	<p>Erbyn 24 Hydref 2018</p>
<p>6. Pwyllgor Penodiadau a Safonau Llywodraethiant (Eitem 6)</p> <p>(Atodiad 6a)</p> <p>(Atodiad 6b)</p>	<p>Adroddiad Cadeirydd y Pwyllgor Penodiadau a Safonau Llywodraethiant</p> <p>6.1 Derbyniwyd adroddiad gan Gadeirydd y Pwyllgor Penodiadau a Safonau Llywodraethiant, Meirion Prys Jones.</p> <p>Gweithdrefn benodi</p> <p>6.2 Derbyniwyd gweithdrefnau penodi Cyfarwyddwyr, y Cadeirydd ac aelodau allanol o bwyllgorau. Fodd bynnag, gofynnwyd i'r Pwyllgor ail ystyried y weithdrefn ar gyfer ail benodi Cadeirydd am dymor pellach.</p> <p>6.3 Yn dilyn trafodaeth argymhellwyd:</p> <ul style="list-style-type: none"> • gwirio arfer da sefydliadau eraill wrth symleiddio proses ail-benodi cyfarwyddwyr 	<p>PPSLI i ail ystyried y weithdrefn</p> <p>PPDLI i drafod yr argymhellion</p>	<p>Cyfarfod nesaf</p> <p>Cyfarfod nesaf</p>

<p>(Atodiad 6c)</p>	<ul style="list-style-type: none"> • adolygu'r cyfansoddiad yn y dyfodol i gynyddu tymor gwasanaeth y Cadeirydd i 4 blynedd i fod yn gyson â'r cyfarwyddwyr • gynnwys profiad sector uwchradd yn y weithdrefn penodi • ystyried rôl a phroses penodi Deon y Coleg, fel mater penodol ac, o bosibl, ar wahân i benodi aelodau'r Bwrdd. <p>Holiadur gwerthuso'r Cyfarwyddwyr</p> <p>6.4 Derbyniwyd adroddiad ar ymatebion holiadur gwerthuso'r Cyfarwyddwyr. Nodwyd bod pob cyfarwyddwr wedi cwblhau'r holiadur. Trafodwyd a chytunwyd ar yr argymhellion.</p> <p>Penodi Cyfarwyddwyr newydd</p> <p>6.5 Nodwyd ymddiswyddiad Ellen Jones; diwedd tymor Dr Gwyn Lewis ar 31 Gorffennaf 2018, nad oedd yn dymuno ail dymor; a diwedd ail dymor yr Athro Iwan Davies ac Ieuan Wyn yn ystod 2018/19.</p> <p>6.6 Nodwyd yr angen i annog menywod i ymgeisio ar gyfer aelodaeth y Bwrdd a chofio bod angen ystod o arbenigedd gan gynnwys maes hyfforddi athrawon.</p> <p>6.7 Derbyniwyd yr argymhellion i benodi 4 cyfarwyddwr newydd yn ystod y flwyddyn nesaf i'w hysbysebu fis Medi.</p> <p>Llais myfyrwyr ar lefel Bwrdd</p> <p>6.8 Derbyniwyd yr argymhelliad i wahodd dau sylwedydd o blith myfyrwyr i gyfarfodydd y Bwrdd gan nad oes modd bellach enwebu unigolion i fod yn Gyfarwyddwyr o'r Coleg.</p>		
----------------------------	--	--	--

<p>(Atodiad 6ch)</p>	<p>6.9 Nodwyd bod Undeb Cenedlaethol Myfyrwyr Cymru wedi enwi Gwyneth Sweatman, Llywydd-etholedig a Gethin Morgan, Swyddog-etholedig y Gymraeg, fel sylwedyddion 2018/19.</p> <p>Aelod o'r Pwyllgor Penodiadau a Safonau Llywodraethiant</p> <p>6.10 Derbyniwyd argymhelliad y Pwyllgor Penodiadau a Safonau Llywodraethiant i benodi Wyn Mears fel aelod allanol newydd o'r pwyllgor ar ddiwedd tymor Rhiannon Lloyd, sef 31 Gorffennaf 2018.</p> <p>Aelodau o'r Pwyllgor Cyllid a Dibenion Cyffredinol</p> <p>6.11 Derbyniwyd argymhelliad y Pwyllgor Penodiadau a Safonau Llywodraethiant i benodi Bethan Emanuel a Rhys Harris fel aelodau allanol i'r Pwyllgor Cyllid a Dibenion Cyffredinol. Nodwyd bod un lle gwag i'w lenwi maes o law.</p> <p>6.12 Nodwyd bod yr Athro Jerry Hunter, Pedr ap Llwyd a Llinos Roberts wedi cytuno i wasanaethu ar y Pwyllgor Cyllid a Dibenion Cyffredinol ar ran y Bwrdd.</p> <p>Cofnodion y Pwyllgor Penodiadau a Safonau Llywodraethiant</p> <p>6.13 Nodwyd a derbyniwyd cofnodion cyfarfod y Pwyllgor Penodiadau a Safonau Llywodraethiant a gynhaliwyd ar 16 Mai 2018.</p>		
<p>7. Bwrdd Academaidd (Eitemau 7a/b)</p>	<p>7.1 Nodwyd cofnodion cyfarfodydd y Bwrdd Academaidd a gynhaliwyd ar 7 Chwefror a 2 Mai 2018.</p> <p>7.2 Cafwyd crynodeb o brif bwyntiau cyfarfod 2 Mai 2018, gan y Deon, Dr Hefin Jones.</p>		

	<p>7.3 Adroddwyd bod cynrychiolwyr y myfyrwyr wedi cyflwyno papur ar adnoddau sydd yn cefnogi modiwlau cyfrwng Cymraeg. Nodwyd bod cyfrifoldeb ar y prifysgolion i ddarparu adnoddau addas, yn y Gymraeg.</p> <p>7.4 Crybwyllwyd yn ogystal bod angen cadw golwg ar y lefel darpariaeth cyfrwng Cymraeg wrth i gwricwlwm prifysgolion newid. Ategwyd bod hyn yn digwydd yn barhaus drwy gyfrwng cyfarfodydd cynllunio a gynhelir gyda'r prifysgolion.</p> <p>7.5 Nodwyd bod y Deon wedi cwblhau ei ymweliadau blynyddol i'r sefydliadau addysg uwch. Canmolodd waith y darlithwyr, myfyrwyr a'r canghennau.</p> <p>7.6 Adroddodd yr Athro Jerry Hunter, Cadeirydd y Pwyllgor Ymchwil a Chyhoeddi, bod canllawiau cyhoeddi yn y Gymraeg ar y gweill ar gyfer y Fframwaith Rhagoriaeth Ymchwil (REF) nesaf.</p> <p>7.7 Eglurodd y Prif Weithredwr ei fod yn adrodd ar faterion perthnasol o'r Bwrdd Cyfarwyddwyr i'r Bwrdd Academaidd.</p>		
<p>8. Adroddiad y Prif Weithredwr (Eitem 8)</p>	<p>8.1 Derbyniwyd crynodeb llafar gan y Prif Weithredwr o'r adroddiad ysgrifenedig oedd wedi ei gylchredeg o flaen llaw.</p> <p>Cyllideb</p> <p>8.2 Adroddwyd bod trafodaethau cychwynnol ar gyllideb y Coleg ar gyfer 2019/20 yn digwydd, a bydd y Coleg yn cynllunio ar sail cynnal y lefelau cyllido presennol.</p>		

<p>(Atodiad 8a)</p>	<p>Cynllun Gweithredu 2018/19</p> <p>8.3 Derbyniwyd adroddiad cynnydd ar y targedau a nodwyd yng Nghynllun Gweithredu'r Coleg 2018/19.</p> <p>Darpariaeth cyfrwng Cymraeg</p> <p>8.4 Adroddwyd yn fyr ar ddata cychwynnol HESA 2016/17 sy'n ymddangos bod lleihad yn y niferoedd sy'n astudio trwy gyfrwng y Gymraeg mewn rhai cyd-destunau. Bydd adroddiad ar hyn yn cael ei gyflwyno i'r cyfarfod nesaf.</p> <p>8.5 Atgoffwyd y Bwrdd bod y Coleg wedi sefydlu trefn monitro i adolygu unrhyw newidiadau yn y ddarpariaeth cyfrwng Cymraeg o ganlyniad i newidiadau ym mhatrwm cyllido'r Coleg o'r Cynllun Staffio Academaidd i Grantiau Pynciol.</p> <p>Hyfforddiant Cychwynnol Athrawon</p> <p>8.6 Adroddwyd y bydd cyhoeddiad ar ddarparwyr Hyfforddiant Cychwynnol Athrawon a rôl benodol y Coleg mewn perthynas i'r maes fis Mehefin 2018.</p> <p>Y Gymraeg fel pwnc</p> <p>8.7 Derbyniwyd infograff Y Gymraeg ar Daith 2017, er gwybodaeth.</p> <p>8.8 Adroddwyd bod Llywodraeth Cymru wedi gofyn i'r Coleg arwain ar y gwaith o baratoi cynllun hybu'r Gymraeg fel pwnc fel rhan o'r Strategaeth Iaith 2050. Bwriedir lansio'r cynllun yn Eisteddfod Genedlaethol 2018.</p>	<p>Papur ar ddata yn y cyfarfod nesaf</p>	<p>28 Tachwedd 2018</p>
----------------------------	--	---	-------------------------

	<p>GDPR</p> <p>8.9 Adroddwyd bod y camau angenrheidiol wedi'u cymryd i sicrhau bod y Coleg yn cydymffurfio â deddfwriaeth rheoliad diogelu data cyffredinol (GDPR).</p> <p>Ymestyn cyfrifoldebau'r Coleg i'r sector ôl-16</p> <p>8.10 Adroddodd y Cofrestrydd bod y Grŵp Cynllunio wedi datblygu cynigion penodol i'w cyflwyno i Lywodraeth Cymru yn ystod tymor yr haf 2018. Cytunwyd i ddarparu diweddariad llawn yn y cyfarfod nesaf.</p> <p>Diweddariadau cyffredinol ar waith y Coleg</p> <p>8.11 Derbyniwyd adroddiadau ysgrifenedig mewn perthynas â Marchnata a Chyfathrebu; Hyfforddiant Academaidd a Datblygu Staff; Gwerddon a phrosiectau cyhoeddi eraill; Cynllun Cymraeg Gwaith; a Chynllun Darlithwyr Cysylltiol, er gwybodaeth.</p>	Adroddiad cynnydd	28 Tachwedd 2018
<p>9. Materion Staffio (Eitem 10)</p>	<p>9.1 Cafwyd adroddiad llafar ar benodiadau staff. Adroddwyd bydd Mareed Jones, yn dechrau ei swydd fel Swyddog Datblygu'r Celfyddydau a'r Dyniaethau ar 2 Gorffennaf 2018. Bydd Dr Catrin Richards yn cyflenwi cyfnod mamolaeth Lois McGrath fel Swyddog Datblygu Hyfforddiant ac Ymchwil ar 3 Medi 2018.</p> <p>9.2 Mewn ymateb i bryder aelodau ynghylch lles y staff yn y cyfarfod diwethaf, adroddwyd bod y gwaith yn parhau i fod yn sylweddol, yn enwedig yn dilyn ymestyn cyfrifoldebau'r Coleg.</p>		

	<p>9.3 Adroddwyd bod cyfarfod staff wedi ei drefnu ar gyfer mis Gorffennaf a bydd arolwg boddhad staff yn yr hydref. Derbyniwyd strwythur staff y Coleg, er gwybodaeth.</p>		
<p>10. Materion Cyllid (Eitem 11)</p>	<p>Llythyr Grant Llywodraeth Cymru</p> <p>10.1 Derbyniwyd Llythyr Gorchwyl y Coleg gan Lywodraeth Cymru ar gyfer 2018/19. Adroddwyd bod y gyllideb ar gyfer addysg uwch yn gyson â llynedd.</p> <p>Cyllideb ddrafft y Coleg ar gyfer 2018/19 – 2022/23</p> <p>10.2 Derbyniwyd cyllideb ddrafft y Coleg ar gyfer 2018/19 - 2022/23.</p> <p>10.3 Nodwyd bod y rhagamcanion wedi'u seilio ar y ffaith bod goblygiadau cyllido ychwanegol i unrhyw weithgareddau newydd ym maes ôl-16.</p> <p>10.4 Nodwyd ymhellach, yn amodol ar gynnal y lefelau cyllido presennol ar gyfer addysg uwch, bod y rhagamcanion yn amlinellu'r model cyllido tan 2022/23.</p> <p>10.5 Adroddwyd bod gwaith manwl wedi'i gwblhau ar fodelu grantiau pynciol a bydd trafodaethau cynllunio gyda'r prifysgolion yn adlewyrchu'r model hwn.</p> <p>10.6 Yn dilyn trafodaeth cymeradwywyd y gyllideb rhagamcanol. Parheir i gyflwyno cyllideb fesul blwyddyn yng nghyfarfod y Bwrdd yn y gwanwyn.</p>	<p>Cyllideb flynyddol</p>	<p>Gwanwyn 2019</p>
<p>11.Cynllunio Academaidd (Eitem 12)</p>	<p>Darpariaeth cyfrwng Cymraeg</p>		

	<p>11.1 Cafwyd crynodeb o brosesau monitro newidiadau mewn darpariaeth cyfrwng Cymraeg yn y prifysgolion gan Dr Dylan Phillips.</p> <p>11.2 Yn ystod y drafodaeth nododd yr aelodau:</p> <ul style="list-style-type: none"> • pryder yng ngostyngiad y ddarpariaeth mewn rhai meysydd a sefydliadau • y byddai data HESA ar gyfer cofrestriadau 2016/17 wedi dyddio • diffygion gwybodaeth a ddarperir mewn prospectws <p>11.3 Adroddwyd bod Llywodraeth Cymru wrthi'n cysoni casglu data ynghylch y Gymraeg yn gyffredinol fel rhan o Strategaeth Iaith 2050.</p> <p>11.4 Derbyniwyd yr argymhellion gan gynnwys adrodd i'r Bwrdd yn flynyddol a chynnal adolygiad o'r model grantiau pynciol yn 2021/22.</p>	Adroddiad i'r Bwrdd yn flynyddol Adolygiad grantiau pynciol	Haf 2019 2021/22
<p>12. PCET (Eitem 9)</p>	<p>12.1 Cyflwynwyd dogfen ymgynghorol ar sefydlu Comisiwn Addysg Drydyddol ac Ymchwil i Gymru gan y Prif Weithredwr.</p> <p>12.2 Yn ystod y drafodaeth nodwyd y canlynol:</p> <ul style="list-style-type: none"> • y byddai'r Coleg yn ymateb yn llawn i'r ymgynghoriad technegol llawn sydd yn digwydd ar hyn o bryd • perthynas y Comisiwn â'r Gymraeg o ran addysg ac o ran Strategaeth Iaith Llywodraeth Cymru. Nodwyd yr argymhelliad i sefydlu Panel o fewn strwythur y corff newydd i fod yn gyfrifol am y Gymraeg • rhinweddau a gwendidau cyllido'r Coleg trwy gorff hyd braich 		

	<ul style="list-style-type: none"> • diffyg ymwybyddiaeth rhai aelodau o fwrdd presenol CCAUC o Gymru, cyd-destun polisi datganoledig, a'r iaith Gymraeg • rhinweddau cyllido uniongyrchol gan Lywodraeth Cymru <p>12.3 Amlinellodd Dr Cliona O'Neill safbwynt CCAUC a chroesawodd glywed farn y Bwrdd.</p> <p>12.4 Cytunodd yr aelodau yn unfrydol nad oeddynt yn gefnogol i'r cynnig bod y Coleg yn cael ei gyllido drwy'r Comisiwn arfaethedig ar sail y wybodaeth sydd ar gael ar hyn o bryd. Nodwyd bod angen mwy o wybodaeth am y Comisiwn, yn ogystal â Chomisiwn arfaethedig y Gymraeg. Awdurdodwyd y swyddogion i ymateb yn llawn i'r ddogfen ymgynghori.</p>		
<p>13. Marchnata a Chyfathrebu (Eitem 13)</p>	<p>13.1 Rhoddwyd cyflwyniad ar Strategaeth Farchnata a Chyfathrebu'r Coleg ar gyfer 2018/19 tan 2021/22 gan Elin Williams, Rheolwr Cyfathrebu.</p> <p>13.2 Yn ystod y drafodaeth nodwyd y canlynol:</p> <ul style="list-style-type: none"> • Cynnull adrannau marchnata a chyfathrebu'r prifysgolion i drafod • Cydweithio â Gyrfa Cymru • Ymestyn negeseuon i flwyddyn 9 • Dechrau lledu negeseuon o oed cynradd • Datblygu sgiliau Cymraeg yn gyffredinol • Codi ymwybyddiaeth o waith y Coleg ymhlith athrawon – posibilrwydd o lysgennad athrawon • Presenoldeb y Coleg mewn diwrnodau agored ysgolion • Cydweithio â'r Mentrau Iaith 		

	<ul style="list-style-type: none"> • Creu strategaeth ymgysylltu ar wahân <p>13.3 Yn dilyn y drafodaeth cymeradwywyd yr argymhellion:</p> <ul style="list-style-type: none"> • ar gyfeiriad ac egwyddorion strategol Strategaeth Farchnata a Chyfathrebu'r Coleg ar gyfer 2019/20 hyd at 2021/22 ynghyd â'r gweithgareddau craidd a nodir yn ei chynllun gweithredu gan gynnwys y pwyntiau a wnaed yn 13.2 • bod y Strategaeth yn cael ei chyflwyno'n raddol a'i mireinio yn ystod 2018/19 gan ystyried unrhyw benderfyniadau neu ddatblygiadau perthnasol o ran ymestyn cyfrifoldebau'r Coleg, gan ddod yn llawn weithredol yn 2019/20. Bydd fersiwn nesaf y Strategaeth yn cael ei chyflwyno i'r Pwyllgor Cyllid a Dibenion Cyffredinol ym mis Medi 2018. <p>13.4 Yn y rhan hwn o'r cyfarfod gofynnwyd am adroddiad/data i gyfarfod nesaf y Bwrdd ar fyfyrwyr o Gymru sy'n astudio yn Lloegr.</p>	<p>Strategaeth i'r PCDC</p> <p>Adroddiad data ar fyfyrwyr o Gymru sy'n astudio'n Lloegr</p>	<p>19 Medi 2018</p> <p>28 Tachwedd 2018</p>
<p>14. Materion y Cadeirydd</p>	<p>14.1 Adroddodd y Cadeirydd ei fod wedi ymweld â Phrifysgol Bangor ond nid y sefydliadau addysg uwch eraill.</p> <p>14.2 Adroddodd mai dyma fyddai cyfarfod olaf Dr Gwyn Lewis fel aelod o'r Bwrdd. Byddai'n ysgrifennu i ddiolch iddo'n ffurfiol am ei wasanaeth a'i waith gyda'r Dystysgrif Cymhwysedd Iaith i Athrawon.</p> <p>14.3 Rhoddwyd y cyfle i Pedr ap Llwyd a Llinos Roberts i gyfleu eu hargraffiadau o'u cyfarfod cyntaf. Gwerthfawrogwyd safon y papurau a gylchredwyd o flaen llaw a phroffesiynoldeb y cyfarfod.</p>	<p>Cadeirydd i ysgrifennu at GL</p>	<p>Mehefin 2018</p>

<p>15. Dyddiadau a lleoliadau'r cyfarfodydd nesaf</p>	<p>15.1 Nodwyd dyddiadau'r cyfarfodydd nesaf:</p> <ul style="list-style-type: none"> • 28 Tachwedd 2018, Prifysgol Abertawe • 20 Mawrth 2019, Prifysgol Bangor • 26 Mehefin 2019, Caerdydd <p>15.2 Diolchwyd i'r cyfieithwyr ar y pryd am eu gwaith.</p> <p>15.3 Diolchwyd i Sioned Roberts, Swyddog Cangen, Prifysgol Glyndŵr, am ei chymorth gyda threfnu'r cyfarfod.</p>		
--	--	--	--